



REPUBLIKA E SHQIPËRISË

**AUTORITETI I KONKURRENCËS
KOMISIONI I KONKURRENCËS**

Nr. 27 Prot.
208

Datë 23.01.2025

VENDIM

Nr. 1153, Datë 23.01.2025

“Kërkesë për sigurim të dhënash nga ana e ndërmarrjes Geri SHPK, që ushtron veprimtari në tregun e grumbullimit dhe shitjes me shumicë të fruta-perimeve në qarkun Tiranë ”

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Rezana KONOMI	Anëtar
Znj.	Fatjola DELIJA	Anëtar
Z.	Durim KRAJA	Anëtar

Në mbledhjen e tij të datës 23.01.2025 ,shqyrtoi çështjen me:

Objekt: Kërkesë për sigurim të dhënash nga ana e ndërmarrjes Geri SHPK që ushtron veprimtari në tregun e grumbullimit dhe shitjes me shumicë të fruta-perimeve në qarkun e Tiranës.

Baza Ligjore: Nenet 24 shkronja (d), neni 33, të ligjit nr. 9121, datë 28.07.2003 “Për Mbrojtjen e Konkurrencës”, (ligji nr. 9121/2003).
Ligji nr. 44/2015 “Kodi i Procedurave Administrative”

Komisioni i Konkurrencës, pas shqyrtimit të relacionit të Sekretarit të Përgjithshëm të Autoritetit të Konkurrencës, “Mbi procedurat e hetimit të thelluar në tregun e grumbullimit dhe shitjes me shumicë të fruta-perimeve në qarkun Tiranë, Elbasan, Berat, Fier dhe Korçë”

VËREN SE :

1. Komisioni i Konkurrencës, me vendimin nr. 1114, datë 04.10.2024, “Për hapjen e procedurës së hetimit të thelluar në tregun e grumbullimit dhe shitjes me shumicë të fruta-Perimeve në qarkun Tiranë, Elbasan, Berat, Fier dhe Korçë”, vendosi hapjen e procedurës së hetimit të thelluar në këtë treg, për periudhën kohore nga 1 Janar 2023 deri në 30 Shtator 2024.
2. Në vazhdim të procedurës, Sekretari i Përgjithshëm i Autoritetit të Konkurrencës, ngriti Grupin e Punës përgjegjës për ndjekjen procedurave të këtij hetimi. Për realizimin e kësaj procedure Grupi i Punës në zbatim të nenit 33 të ligjit nr. 9121 datë 28.07.2003 “Për Mbrojtjen e Konkurrencës”, dhe vendimit të Komisionit të

Konkurrencës nr.1114, datë 04.10.2024 “Për hapjen e procedurës së hetimit të thelluar në tregun e grumbullimit dhe shitjes me shumicë të fruta-perimeve në qarkun Tiranë, Elbasan, Berat, Fier dhe Korçë”, nëpërmjet shkresës nr. 27/92 prot., datë 18.10.2024, “Kërkesë për informacion”, për qëllime të hetimit, ka kërkuar informacion nga ana e ndërmarrjeve që ushtrojnë aktivitetet në këtë treg. Ky informacion është kërkuar të paraqitet sipas formatit përkatës, brenda datës 01.11.2024.

3. Informacioni i kërkuar përgjithësisht u depozitua nga ndërmarrjet brenda afatit kohor të përcaktuar në kërkesë duke bërë të mundur vazhdimin e procedurave hetimore dhe përpunimin e të dhënave të ndërmarrjeve, me përjashtim të ndërmarrjes Geri SHPK që nuk ka dorëzuar informacion brenda afatit të përcaktuar.
4. Në vijim AK, me shkresën nr. 27/141 prot., datë 13.11.2024 “Kërkesë për informacion” ka rikërkuar nga ndërmarrja Geri SHPK, me adresë: Rr.Liria, Kashar, Tiranë, që informacioni përkatës të dërgohej brenda datës 26.11.2024.
5. Në përgjigje të kësaj kërkesë nga ana e ndërmarrjes Geri SHPK është dërguar informacion me email-in e datës 22.11.2024 (protokolluar pranë AK me nr. 27/155) nga ka rezultuar se informacioni i dërguar nuk është i plotë sipas kërkesave të përcaktuara. Për këtë arsye me shkresën nr. 27/162 prot.AK, datë 03.12.2024, “Kërkesë për plotësim informacioni”, është rikërkuar informacioni sipas formatit të përpunueshëm në EXEL brenda datës 17.12.2024 në formë elektronike, dhe në vazhdim konstatohet që nga ndërmarrja Geri SHPK nuk është depozituar asnjë nga informacionet e kërkuara.
6. Nga ana e Sekretariatit janë ezauruar të gjitha hapat e parashikuara për marrjen e informacionit nga ndërmarrja Geri SHPK, pasi i është kërkuar disa here informacion me anë të shkresave zyrtare.
7. Informacioni i kërkuar nga ana e Autoritetit të Konkurrencës është shumë i rëndësishëm për procedurën hetimore, pasi përmban të dhëna të detajuara të veprimtarisë ekonomike të ndërmarrjes në tregun, për të cilën është hapur procedura hetimore.
8. Ndodhur përpara kësaj situate, të mos vënies në dispozicion të informacionit të kërkuar nga ndërmarrja, vlerësohet se nga informacioni i munguar, në fazën në të cilën ndodhet hetimi, më i rëndësishmi dhe i domosdoshëm për vazhdueshmërinë e hetimit me qëllim identifikimin e ndonjë kufizimi të mundshëm të konkurrencës sipas nenit 4 të ligjit nr. 9121, “Për Mbrojtjen e Konkurrencës”, është vënia në dispozicion e informacionit të kërkuar.
9. Ligji nr. 9121, datë 28.07.2003 “Për Mbrojtjen e Konkurrencës”, në neni 73, pika 1, e klasifikon mos depozitim të të dhënave brenda afatit kohor si shkelje të lehtë, e cila sanksionohet me gjobë jo më shumë se 1% të xhiros totale të vitit paraardhës financiar.

PËR KËTO ARSYE:


Komisioni i Konkurrencës, bazuar në nenin 24 shkronja (d) nenit 33, pika 2 të ligjit nr. 9121, datë 28.07.2003, “Për Mbrojtjen e Konkurrencës”, i ndryshuar, si dhe ligjit 44/2015 “Kodi i Procedurave Administrative”

VENDOSI:

- I. T'i kërkojë ndërmarrjes Geri SHPK, të depozitojë pranë Autoritetit të Konkurrencës, brenda datës 06 . 02. 2025, informacionin e mëposhtëm:
1. Shitjet analitike të ndara për çdo muaj sipas produkteve mollë, portokall, limon, luleshtrydhe, dardhë, qepë, presh, lakër, lulëlakër, brokoli, kastravec, patate, domate, karrotë dhe spec, duke cilësuar sasinë, çmimin, datën dhe klientët përkatës për periudhën kohore nga 1 janar 2023 deri në 30 shtator 2024. (Të dhënat t'i referohen shitjeve me shumicë të produkteve dhe çmimeve pa TVSH) sipas formatit të përpunueshëm në EXEL;
 2. Blerjet analitike të ndara për çdo muaj sipas produkteve mollë, portokall, limon, luleshtrydhe, dardhë, qepë, presh, lakër, lulëlakër, brokoli, kastravec, patate, domate, karrotë dhe spec, duke cilësuar sasinë, çmimin, datën dhe klientët përkatës për periudhën kohore nga 1 janar 2023 deri në 30 shtator 2024. (Të dhënat t'i referohen shitjeve me shumicë të produkteve dhe çmimeve pa TVSH), sipas formatit të përpunueshëm në EXEL.
- II. Mos sjellja e këtij informacioni në afatin e caktuar shoqërohet me penalitetet përkatëse në zbatim të nenit 73, pika 1, të ligjit nr. 9121, datë 28.07.2003 "Për Mbrojtjen e Konkurrencës", i ndryshuar.
- III. Ngarkohet Sekretari i Përgjithshëm për zbatimin e këtij vendimi.

Ky vendim hyn në fuqi menjëherë.

KOMISIONI I KONKURRENCËS

Leida MATJA () Zv/Kryetar	Rezana KONOMI () Anëtar	Fatjola DELIJA () Anëtar	Durim KRAJA () Anëtar
			Denar BIBA () Kryetar

